

Noticia
Transparente
di Gobierno

ISLA ONLINE

Diamars 13 Februari 2024

Email: IslaOnline@gobierno.aw Tel: 528-4952



Gabinete Wever-Croes



DESPUES DI DOS AÑA, UN BIAHA MAS LO CELEBRA DIA INTERNACIONAL DI HENDE MUHE DEN GRANDI

"Ta importante riba Dia Internacional di Hende Muhe, pa para keto un rato y wak con hopi e ser femenino a progresa, pero tambe con hopi falta pa por logra tur loke mester logra"

Dia 8 di Maart proximo, ta Dia Internacional di Hende Muhe. Un dia importante, un dia cu internacionalmente Nacionnan Uni a decreta como dia di hende muhe, pa para keto na e posicion di hende muhe rond mundo.

Prome Minister Evelyn Wever-Croes a expresa cu ainda por sinti e diferencia den hende homber y hende muhe, y ainda tin paisnan cu tin diferencia den derecho pa hende homber y hende muhe. Esaki sigur por a wordo nota mas ainda durante e pandemia, na unda por a nota, cu ta e hende muhenan mas tanto a sacrifica pa keda cas ora e muchanan no tabata tin scol, of nan mester a cambia di trabou, y/of traha menos ora.

Prome Minister a splica cu na Aruba tin hopi hende muhe cu a progresa, y por nota tambe, cu hopi posicion clave ta wordo ocupa pa un ser femenino. Apesar di esaki, aunke no tanto visibel, ainda tin diferencia entre e ser femenino y masculino, specialmente na salaris y trato. Tambe, por nota e diferencia den posicionnan di liderazgo di pais Aruba, na unda cu den un total di 8 minister, tin dos cu ta femenino (25%), y den Parlamento, di 21 Parlamentario, tin 8 hende muhe (38%). E porcentahenan abou aki, sigur tin un efecto riba decisionnan, na unda ta importante pa tuma na cuenta e necesidad y deseonan di hende muhe, cu mester wordo tuma. Si Aruba ta desea pa tene na cuenta e deseonan di hende muhe ora di tuma decision, ta importante pa hende muhe ta na mesa como parti di e esnan cu ta tuma e decisionnan.

"P'esey ta importante pa riba Dia Internacional di Hende Muhe, para keto un rato y wak con hopi e ser femenino a progresa, pero tambe con hopi falta pa por logra tur loke mester logra", Prome Minister a expresa.

Prome Minister a indica, cu pa logra haya hende muhe yega na mesa di decision, lo mester inverti, pa asina yega na un punto, cu ora un hende muhe den posicion clave retira, ya caba tin un fila di hende muhe, cla pa asumi e posicion. Esaki sigur ta importante pa mundo por ta mas exitoso, y pa tin un desaroyo



duradero. Cu esaki, mundo lo por segura cu awor y den futuro, e bos di hende muhe lo sigui wordo scucha.

"E aña aki, nos ta para keto na e fecha di 8 di Maart un biaha mas, y nos lo celebre e aña aki den grandi, mescos cu aña 2020, prome cu pandemia. Na 2020, a organisa un conferencia grandi na Renaissance, na unda a invita tur hende muhe gratuitamente pa bin celebra hunto e dia importante aki. E aña aki, un biaha mas nos ta extende un invitacion na tur e sernan femenino pa hunto nos celebra Dia Internacional di Hende Muhe. E evento aki lo ta dia 8 di Maart, di 8 am - 12 pm, y entrada lo ta gratis. Pa tur esnan interesa, lo mester registra y e link di registracion lo wordo publica durante e siman benidero. Por cuminsa reserva e fecha, pa asisti na un mainta yena cu celebracion di nos como hende muhe. Un mainta di analisis y reflexion di unda nos ta para awe, y unda nos kier yega.

E tema di e aña aki ta Inspira Inclusion di Hende Muhe. Nos ta haciendo un encuesta, di con hopi e hende muhe ta sinti su mes inclui aworaki, pa asina wak di e perspectiva di hende muhe y homber, kico mas mester wordo haci. E resultadonan lo wordo comparti durante e conferencia. Cu e informacion aki, nos lo celebra, refleha, y prepara kico mester wordo haci aki na Aruba", Prome Minister a expresa.

CELEBRACION

DIA INTERNACIONAL

PA HENDE MUHE



TOPICO

INSPIRA
INCLUSION
DI HENDE MUHE

8

MAART

KEDA
PENDIENTE!

#inspireinclusion



Gabinete Wever-Croes

Prome Minister Evelyn Wever-Croes:

DEN GRAN FORMA ARUBA A CULMINA E CELEBRACION DI CARNAVAL 70

Durante e conferencia di prensa di Gobierno di Aruba diamars 13 di februari, Prome Minister Evelyn Wever-Croes a felicita Aruba henter cu e celebracion di Carnaval 70. “Mi ta gradici tur persona cu di un of otro manera a yuda y traha duro pa engrandece nos Carnaval 70”, Prome Minister a expresa.

Aruba por mira atras riba un carnaval bunita y pueblo di Aruba por ta orguyoso di dj’e. Cu 4235 participante y mas di 800 boluntario, a percursa pa un espectáculo di marca mayor. Aruba a duna un tributo na e celebracion di e 70 aña di carnaval cu un explosion di beyesa, creatividad y color y Aruba y mundo henter a goza di un parada luhoso yena cu ambiente.

Prome Minister a expresa palabranan di gratitud na tur carnavalista, lider di grupo, boluntario, musico y tur persona cu a aporta pa haci e carnaval exitoso. Tambe Prome Minister a gradici SMAC, KPA, Brandweer, Serlimar, DOW, CMO y Rode Kruis cu a percursa pa e hospital riba e ruta, y tur otro instancia cu a yuda cu nos Carnaval 70.

“Pabien Aruba cu un bunita celebracion di 70 aña di carnaval. Awor nos ta sigui cu e mesun entusiasmo, creatividad y positivismo pa nos hiba nos pais padilanti. Aña 2024 ta e aña cu nos ta bay mira e prosperidad yega na e punto cu e lo stabilisa y yega den cada hogar. Esaki ta e meta y compromiso di Gabinete Wever-Croes II y nos ta trahando duro pa cumpli cu n’e. Tambe nos ta conta cu e esfuerzo di cada ciudadano, pa nan sigui traha duro pa hiba nan famia padilanti y asina ta hiba Aruba padilanti”, Prome Minister a finalisa bisando.







MINISTER ODUBER TA CONDENA E FALTA DI MADUREZ POLITICO DI OPOSICION PA NO PRESENTA AWE MAINTA DEN PARLAMENTO

Dialuna mainta pa 9am mester a trata presupuesto di Tourism Product Enhancement Fund (TPEF) pa presenta tur proyectonan di upgrading di e producto Aruba pa e aña 2024. Pa un reunion publico por cuminsa mester tin 11 miembro di parlamento den sala presente.

Awe mainta na parlamento tawata tin 14 miembro den e edificio, dus reunion por a cuminsa sin problema. Esaki no tawata e caso ya cu presidente di parlamento mester a cancela y postpone e reunion paso oposicion no kier a drenta sala. E personanan cu no a drenta sala ta hendenan cu tin hopi aña caba den politica, hendenan cu tawata asta parti di coalicion y oposicion. Ta trata di miembronan di AVP Dowers, Wyatt Ras, miembronan di MAS Marisol Lopez Tromp y Gunn y tambe miembro independiente Gerlien Croes.

Ta lamentabel y condenabel e actitud infantil y falta di madurez politico di parti oposicion paso nan sa e "reglement van orde", pero toch nan a opta pa no drenta sala y asina perhudica e reunion bai door, perhudica e ley di TPEF wordo trata cu consecuencia cu e proyectonan ta keda ariba un status quo, paso nada no por cuminsa tanten cu e ley wordo aproba.

Hopi di e miembronan di oposicion cu a keda para pafo ta e mas jongnan cu awendia ta papia di trece un politica nobo, un politica moderno, un politica diferente unda tur parlamentario mester traha hunto pa bienestar di Aruba. Politiconan nobo manera Gerlien Croes cu tur ora ta boga pa union y tambe pa cambia e manera di hiba politica distinto. Awe pueblo por tawata testigo di e politica bieu y tradicional cu oposicion ta hiba! Ora di demostra cu accion cu nan ta hiba un politica diferente, e grupo aki a gewoon actua di mala fe manera mucha chikitanan pa "purba" tranca e proceso. Tur proyecto cu tin ariba e programa pa cuminsa, ta pendiente y lo tuma mas tempo awo pa cuminsa.



Minister Dangui Oduber kier a laga pueblo sa cu e proyectonan aki lo wordo ehecuta si. E reunion lo continua y ta pendiente awo di un fecha nobo.

Politiconan di oposicion a demostra cu nan kier cobra y nan no kier traha pasobra ora e momento yega pa debati den sala di parlamento nan ta opta pa no drenta! ■■■



MINISTER ENDY CROES A RICIBI INFORMACION ACTUALISA DI E INVESTIGACION ENCUANTO CAMBIONAN CLIMATICO, CULTURA Y SOCIEDAD



Recientemente, Minister Endy Croes a reuni cu dr. Francio Guadeloupe, kende ta lidera e proyecto Island(er)s at the Helm cu ta investigando con e seis (6) islanan den Caribe ta sufri door di e cambionan climatico y kico e habitantenan di e islanan por haci pa trece cambio den esaki. Dr. Guadeloupe ta un antropologo, alabes profesor na Universidad di Amsterdam y Senior Researcher na Royal Netherlands Institute of Southeast Asian and Caribbean Studies.

E proyecto di investigacion The Islanders at the Helm ta subsidia door di NWO (the Dutch Research Council) cu a presupuesta 3.5 milyon Euro pa e proyecto aki. E proyecto ta di Royal Netherlands Institute of Southeast Asian and Caribbean Studies den colaboracion cu instituto- y partnernan na Hulanda, Aruba, Boneiro, Curaçao, Sint Maarten, Saba y Sint Eustatius. Dr. Guadeloupe ta gradici Minister Endy Croes pa sostene e proyecto The Island(er)s at the Helm. Tin dos Arubiano cu ta

forma parti di e investigacion aki, esta Sr. Harold Kelly, kende ta haciendo su Ph.D research y dr. Gregory Richardson cu ta haciendo su investigacion "post doctoral". Dr. Richardson ta conduciendo e investigacion pa implementacion di cambio climatico "climate changes" den curiculo pa Aruba. Hunto cu Instituto Pedagogico Arubano (IPA) dr. Gregory Richardson a ricibi un reconocimiento y financiamiento di e prestigioso NRO (the Netherlands Initiative for Education Research).

Cu e financiamiento aki IPA ta lidera e proyecto di investigacion di Caribe. Ademá di esaki, Sr. Harold Kelly y dr. Gregory Richardson lo duna diferente presentacion di e resultadonan preliminar di nan investigacion na estudiante- y coleganan y na comunidad di Aruba, Boneiro, Curaçao in Sint Maarten. Lo cuminsa cu tayer pa e studentenan di IPA y lo tin un charla pa Pueblo di Aruba na Universidad di Aruba dia 13 di februari proximo. ■

MINISTER ENDY CROES A HACI BISHITA OFICIAL NA COLEGIO NIGEL MATTHEW NA SAN NICOLAS



Diaranson mainta, Minister di Enseñansa y Deporte Endy Croes a haci bishita oficial na Colegio Nigel Matthew. Na yegada na e scol, e mandatario di Enseñansa a ricibi un caluroso bonbini. Colegio Nigel Matthew ta e unico scol Havo / Vwo publico na Aruba y tin 551 alumno. Durante e bishita, Minister Endy Croes a reuni cu rector di Colegio Nigel Matthew Sr. Ralph Croes, conrector y wnd. rector Sr. Whitney Kock y conrector Sra. Jasmine Tromp, unda cu a dialoga tocante diferente topico di interes di e scol. Sr. Ralph Croes a duna un presentacion di e scol, e deficiencia y kico nan ta desea di wak mehoracion.

A keda palabra cu e staf di Colegio Nigel Matthew lo presenta un lista di prioridad, pa asina Gobierno di Aruba por traha e plan y inverti corectamente pa asina hiba e scol na excelencia maximo y sirbi e alumnonan na e miho manera. Minister Endy Croes a indica cu el a keda impreciona di loke cu a wak y a compromete pa reglamenta loke cu falta. Tambe, Minister Endy Croes a haya un recorrido rond di e scol pa mira e lokaalnan, gymzaal y deficiencia den e parti di infraestructura. Ademá di esaki, e mandatario di Enseñansa a bishita e les di e kimica (scheikunde), Papiamento y matematica. Por ultimo, a reuni cu e team di Colegio Nigel Matthew, unda cu nan a haya e oportunidad di haci pregunta y trece nan inkietud- y preocupacionnan dilanti. Minister Endy Croes a contesta nan preguntanan y a duna un splicacion breve di e proyectonan cu ta andando pa mehora e calidad di enseñansa na Aruba.

Rector di e scol Sr. Ralph Croes a expresa di ta agradecido cu Minister Endy Croes a bishita e scol pa cera conoci un poco mas di cerca y pone su mes na altura di e situacion. Ademá di esaki, Sr. Ralph Croes ta gradici Minister Endy Croes pa tuma su tempo pa sinta cu e team di e scol pa scucha nan necesidadnan y e bon sentimento cu nan tin pa loke Colegio Nigel Matthew ta brinda na comunidad di San Nicolas y henter Aruba.

Pa finalisa, Minister Endy Croes ta gradici rector Sr. Ralph Croes y e team di Colegio Nigel Matthew pa e caloroso ricibimento, alabes ta desea e docente- y studiantenan un exitoso aña escolar 2023 – 2024. ■■■



RESUMEN

DI SIMAN

Asuntonan General, Innovacion, Organizacion Gubernamental, Infraestructura y Planificacion Teritorial

**FEB
2 - 8**

PROME MINISTER, EVELYN WEVER-CROES

TRABOUNAN DI RESTRUCTURACION DI APARATO GUBERNAMENTAL TA BAYENDO BON

Dialuna ultimo, Prome Minister a reuni cu representantenan di Departamento di Recurso Humano y a haya un presentacion di e prome conclusionnan di e estudio riba restructuracion di aparato gubernamental.

Esaki ta un estudio cu lo tuma su tempo, y lo tin resultadonan importante pa Aruba. Gabinete Wever-Croes desde inicio di gobernacion, ta tumando pasonan pa haci e aparato gubernamental mas eficiente pa mehora mas ainda e servicio na ciudadanonan.

PROCESONAN ANDANDO PA PRIVATISA RIOOL WATER ZUIVERINGS INSTALLATIE (RWZI)

Diaranson Parlamento a aproba Presupuesto 2024 di Dienst Openbare Werken (DOW). Prome Minister durante e reunion publico a duna informacionnan y a contesta hopi pregunta riba e topiconan, principalmente di careteranan y Riool Water Zuiverings Installatie (RWZI) na e planta na Bubali. E intencion ta pa privatiza RWZI y e trabounan pa esaki ta andando. Prome Minister a informa cu Parlamento pronto lo trata e ley pa privatiza RWZI pa pon'e den man di un compania estatal cu ta bay resorta bou di Utilities Aruba NV, cu tin e fondonan, y lo inverti y soluciona e problemanan di RWZI structuralmente. Mientrastanto Gobierno lo sigui mantene RWZI pa e causa menos molester posibel.

Presupuesto 2024 di Dow a wordo aproba

TIN 10.4 MIYON FLORIN PA DRECHA CARETERA DEN 2024

Diaranson mainta, Prome Minister tabata den Parlamento pa trata e Presupuesto 2024 di Dienst Openbare Werken (DOW). Manera conoci, DOW ta un compania estatal cu su mesun presupuesto, cu tin e vision pa sigui traha na mehora e servicio na comunidad, na percara pa e mantencion di obranan publico ta "up to date", percara cu e trabounan ta wordo monitoria y pa no warda te ora cu bin keho di ciudadanonan pa haci e trabou. Tambe, internamente DOW ta trahando pa finalisa e re-organizacion, y e digitalisacion di e departamento. Prome Minister a indica cu tin 10.4 miyon florin pa drecha caretera den 2024.



2024

AÑA DI STABILIDAD Y PROSPERIDAD



Gabinete Wever-Croes

Arte di Muraya ta un expresion di creatividad sin limite cu ta transforma murayanan di San Nicolas den un galeria bibo cu ta conta historia, transmit emocion y tambe ta stimula e orguyo di un comunidad.

